

তারিখ: ২৮/০১/২০২৬

বরাবর

সকল শাখা ব্যবস্থাপক

বেসিক ব্যাংক লিমিটেড।

বিষয়: বাংলাদেশ ব্যাংকের সার্কুলার অনুসারে ৭ম বাংলাদেশ সরকার বিনিয়োগ সুকুক (IRIDPNFL Socio-Economic Development Sukuk) সংক্রান্ত কার্যক্রম গ্রহণ।

রেফারেন্স : বাংলাদেশ ব্যাংক, ডেট ম্যানেজমেন্ট ডিপার্টমেন্ট-এর সার্কুলার স্মারক নং: ডিএমডি-২/৫০/২০২৩-১৮২, তারিখ: ২৭ জানুয়ারি ২০২৬।

প্রিয় মহোদয়,

উপর্যুক্ত রেফারেন্সের প্রতি দৃষ্টি আকর্ষণপূর্বক জানানো যাচ্ছে যে, বাংলাদেশ ব্যাংক কর্তৃক ৭ম বাংলাদেশ সরকার বিনিয়োগ সুকুক (IRIDPNFL Socio-Economic Development Sukuk) ইস্যু উপলক্ষে বিনিয়োগ আহ্বান করা হয়েছে এবং এ সংক্রান্ত একটি Brochure (প্রচারপত্র) প্রস্তুত করে সকল তফসিলি ব্যাংকে প্রেরণ করা হয়েছে। উল্লেখ্য, উক্ত সুকুকের অর্থায়নে “নোয়াখালী, ফেনী ও লক্ষ্মীপুর জেলার গুরুত্বপূর্ণ পল্লী অবকাঠামো উন্নয়ন প্রকল্প (IRIDPNFL)” বাস্তবায়ন করা হবে।

বাংলাদেশ ব্যাংক কর্তৃক প্রকাশিত রোশিউর অনুযায়ী সুকুকটির সংক্ষিপ্ত বিবরণ নিম্নরূপ:

- ইস্যু পরিমাণ: ২,৫০০ কোটি টাকা
- মেয়াদ: ০৭ (সাত) বছর
- বার্ষিক ভাড়া (মুনাফা) হার: ৯.৬০%
- মুনাফা বিতরণ: প্রতি ৬ (ছয়) মাস অন্তর
- সুকুকের ধরন: ইজারা সুকুক
- সর্বনিম্ন বিনিয়োগ সীমা: ১০,০০০ টাকা
- নিলামে অংশগ্রহণের সময়সীমা:

৮ ফেব্রুয়ারি ২০২৬ সকাল ১০:০০টা থেকে ৯ ফেব্রুয়ারি ২০২৬ দুপুর ১২:০০টা পর্যন্ত

এমতাবস্থায়, আপনাদের শাখার সকল কর্মকর্তা-কর্মচারীকে বিষয়টি অবহিত করার পাশাপাশি শাখার গ্রাহকবৃন্দ (ব্যক্তি ও প্রতিষ্ঠান, দেশি ও প্রবাসী) কে উক্ত সুকুকে বিনিয়োগে উৎসাহিত করার জন্য প্রয়োজনীয় পদক্ষেপ গ্রহণের নির্দেশ প্রদান করা হলো।

বিশেষভাবে গ্রাহকদের অবহিত করতে হবে যে—

১. সুকুকে বিনিয়োগের জন্য পৃথক কোনো হিসাব খোলার প্রয়োজন নেই।
২. শাখায় বিদ্যমান গ্রাহকের হিসাবের মাধ্যমেই সুকুকে বিনিয়োগ করা যাবে।
৩. এটি একটি নিরাপদ, সরকার সমর্থিত ও শরিয়াহভিত্তিক বিনিয়োগ মাধ্যম।

এছাড়া, বাংলাদেশ ব্যাংক কর্তৃক প্রণীত Brochure (প্রচারপত্র) এর কপি শাখার নোটিশ বোর্ড ও গ্রাহক সেবা এলাকায় প্রদর্শন এবং আগ্রহী গ্রাহকদের মাঝে বিতরণ করার জন্য অনুরোধ করা হলো।

উক্ত নির্দেশনা যথাযথভাবে বাস্তবায়ন নিশ্চিত করার জন্য অনুরোধ জানানো হচ্ছে।

ধন্যবাদান্তে,

সংযুক্তি: বাংলাদেশ ব্যাংক, ডেট ম্যানেজমেন্ট ডিপার্টমেন্ট-এর সার্কুলার স্মারক নং: ডিএমডি-২/৫০/২০২৩-১৮২, তারিখ: ২৭ জানুয়ারি ২০২৬।